

Mag-andam sa Kahisa!

Instruksion: Himua ini sa isa ka malinong nga lugar. Samtang ginabasa mo ang mga teksto, imadyina nga ato ka didto, makita mo ang mga nagakatabo, kag mabatian ang mga tingog. Batyaga man ang ginabatyag sang mga karakter.

Panguna nga mga karakter: Miriam, Aaron, Moises

Sumaryo: Sanday Miriam kag Aaron nahisa kag nagreklamo batok sa ila utod nga si Moises.

1 BINAGBINAGA ANG EKSENA.—BASAHA ANG NUMEROS 12:1-15.

Paano mo ilaragway ang tatlo ka karakter sa sini nga istorya?

Miriam: _____

Aaron: _____

Moises: _____

Sa banta mo, ano ang tono sang tingog nanday Miriam kag Aaron sang ginhambal nila ang mga tinaga sa bersikulo 2?

Imadyina ang hitsura sang “haligi nga panganud” kag ang tingog ni Jehova sang ginsaway niya sanday Miriam kag Aaron. Ano ang imo “nakita” kag “nabatian”?
(*Basaha liwat ang Numeros 12:5-9.*)

Base sa tingog nanday Aaron kag Moises, ano sa banta mo ang ila ginabatyag samtang nagapakitluoy sila para kay Miriam nga mabasa sa bersikulo 11-13?

2 MAG-RESEARCH SING DUGANG PA.

Sin-o ang kamanghuran kanday Miriam, Aaron, kag Moises? Sa banta mo, may epekto bala ini sa paagi sang pagpakig-istorya nanday Miriam kag Aaron sa ila utod? (Basaha ang Exodo 2:1-4, 10; 7:7.)

Ngaa nagpamangkot sanday Miriam kag Aaron: “Wala bala [si Jehova] magpamolong sa aton man?” (Clue: Basaha ang Exodo 15:20, 21; 28:1-3.)

Ngaa naakig gid si Jehova kanday Miriam kag Aaron? (Basaha ang Numeros 12:7, 8.)

Ngaa nagdayaw ka gid sa reaksion ni Moises sang ginpatupatuan sia?

3 IAPLIKAR ANG IMO NATUN-AN.

Isulat kon ano ang imo natun-an parte sa . . .

Katalagman kon mahisaon ka.

Nagakadapat nga reaksion kon patupatuan ka.

4 PAMANGKUTA ANG IMO KAUGALINGON.

Sa ano nga mga sitwasyon nga mahimo ako mahisa?

Paano ako padayon nga mangin malulo kag mahigugmaon bisan pa ginapatupatuan ako?

Diin nga bahin sini nga sugilanon ang nanamian mo gid, kag ngaa?

Suhestyon: Basaha sing matunog ini nga sugilanon upod sa imo mga abyan ukon pamilya. Ang isa amo ang narrator, dayon ang iban naman magabasa sang papel nanday Miriam, Aaron, Moises, kag Jehova.

